



थुकि दुने

धातुर्थे संघीयता संघीय सरकारया प्रशासनिक ईकाइ जक खःला ?

• **दिलीप शाही 'शान्तियज्जु' - २**

न्यायिक समितिया प्रभावकारीताया लागि यें महानगरया अग्रसरता

• **सुनिल महर्जन - ३**

कासा निर्माता : प्रज्वल शाक्य

• **प्रजित शाक्य - ६**

खुक्वःगु हलिं नेवाः दिंया लसताय सम्माननीय प्रधानमन्त्री पुष्पकमल दाहाल 'प्रचण्ड'या मूपाहासुइ जुगु ज्याइवःया लू

• **ब्लोअप ४ - ५**

खुक्वःगु हलिं नेवाः दिं

नेवाः अनुसन्धान प्रतिष्ठान स्वनेगु प्रमया घोषणा

वंगु खुदँ न्ह्यःनिसें हलिन्यंकया नेवाःतय्सं मार्च महिनाया लिपांगु शनिबाःया दियात हलिं नेवाः दिं कथं हनावःगु दु । थुगुसी नं वंगु चैत्र ११ गतेया दिं लाकाः मार्चया २५ या दिनय् लाया लिपांगु शनिबाःकुन्हु खुक्वःगु हलिं नेवाः दिं भःभः धाय्क हन ।

वर्ल्ड नेवाः अर्गनाइजेसन नेपाल च्याप्टरं येंया वसन्तपुलिइ छगू समारोह यासैं नेपालय् खुक्वःगु हलिं नेवाः दिवस हंगु खः । उगु दिवसं नेवाःतय् दथुइ छगू आशा ब्वलकाब्यूगु दु ।

ज्याइवलय् मूपाहां कथं भःम्ह प्रधानमन्त्री पुष्पकमल दाहालं ज्याइवलय् थःगु नुगः खँ तय्गु इवलय् नेवाः जातिया सभ्यता, संस्कृति व इतिहास अध्ययन, अनुसन्धानया लागि प्रतिष्ठान गठन याय्गु खँ ल्हवनादिल । व हे वसन्तपुरया दबुलिं नेपाल सम्वतयात राष्ट्रिय सम्वत घोषणा याःम्ह दाहालं थ्व खँ घोषणा याःगुलिं नेवाः सभ्यता, संस्कृति व इतिहासया अध्ययन अनुसन्धानया क्षेत्रय् छगू तःधंगु उपलब्धी जुइगु जुल धइगु आशा नेवाःतय् दथुइ ब्वलंगु खः ।

नुगः खँया इवलय् प्रधानमन्त्री दाहालं उगु प्रतिष्ठान नेवाः समुदायया लागि चाय्केगु खःसां मुक्कं देय्या हे नितिं जुइगु नं स्पष्ट यानादिल । 'नेपालया सभ्यता, संस्कृति व इतिहास, भाषा, साहित्य व कलाया नितिं नेवाःतय्सं याःगु मदिककाया संघर्षप्रति जिं उच्च सम्मान तयाचवनागु दु । थ्व सकताया अभिलेख दय्केमाः, अध्ययन अनुसन्धान जुइमाः । उकिं



जिं थनं नेवाः अध्ययन प्रतिष्ठान दय्केगु प्रतिवद्धता छिकपिनिगु न्ह्यःने प्वंकाचवना' प्रधानमन्त्री दाहालं धयादिल ।

उगु हे समारोहस उपप्रधान लिसैं भौतिक पूर्वाधार तथा यातायातमन्त्री नारायणकाजी श्रेष्ठं नेपाली समाजयात रुपान्तरण याय्त नेपालया भाषा, संस्कृतिया विकास याय्माःगुलिइ बः बियादिल । अथे हे, नेपाली काग्रेसया नेता प्रकाशमान सिंहं नेपालयात

हलिन्यंक म्हासीकेत नेवाः सभ्यता व कलां तःधंगु योगदान बियाचवंगु धयादिल । नेवाः देय् दबूया नायः पवित्र बज्राचार्य नेवाःतय्सं थःगु अस्तित्व, पहिचान स्थापित याय्त ताः ई न्ह्यःनिसें संघर्ष यानावःगु तर राज्यं नेवाःतय्त क्वत्यलेगु ज्या जक यानावःगु धासैं थःगु अधिकार व पहिचान स्थापित याय्त नेवाःत सकलें छधी जुइत इनाप यानादिल । वर्ल्ड नेवाः अर्गनाइजेसन नेपाल च्याप्टरया

नायः सुरेन्द्र भक्त श्रेष्ठं नेपालभाषायात अन्तर्राष्ट्रिय स्तरय् यंकेगु नितिं अर्गनाइजेसनं निदैं न्ह्यःनिसें मदिकक न्हियान्हिथं गुगल ट्रान्सलेसन ज्याइवः यानावयागु जानकारी बियादिल । नेपाःलिसें हलिन्यंकया नेवाःतय्सं थःथः चवनावयागु देशय् दैय्दसं हलिं नेवाः दिवस हनावयागु धासैं थुगु दिवसं हलिन्यंक नेवाःतय्गु भाषा, कला, संस्कृति म्हासीकेत ग्वहालि जुयाचवंगु दावी नं नायः श्रेष्ठं यानादिल । 'जिमिसं गुगल ट्रान्सलेसनलिसें वर्ल्ड डेलि ब्रोडकास्ट धकाः जुममार्फत नेवाः ख्यलय् योगदान बियाचवनादीपिं व्यक्तिपनिगु अन्तर्वाता प्रसारण यानाचवनागु दु । उकिया नापं समयसापेक्ष थीथी ज्याइवः यानाः नेवाः व नेवाः तजिलजि हलिमय् ब्वय्गु ज्या यानाचवनागु दु' श्रेष्ठं जानकारी बियादिल ।

थीथी व्यक्तित्व सम्मानितः

ज्याइवलय् थीथी क्षेत्रय् ल्यं ७ पेजय्

नेवाः देय् दबूया छँ थःगु हे कार्यकालय्

नेवाः देय् दबूया नायः पवित्र बज्राचार्य नेवाःतय्गु अधिकार, पहिचानया लागि न्ह्यानाचवंगु नेवाः देय् दबूया थगु हे छँ मदयाः नेवाःतय्गु दथुइ हे म्हासीका चवनेमाःगु दुःखया खँ जुगु धयादीगु दु । नेवाः देय् दबू यें जिल्लाया दै मुँज्याय् न्वासे देय् दबूया केन्द्रीय नायः बज्राचार्य नेवाः नुगः दुपिं सकसिगु ग्वहालि दत धाःसा नेवाः देय् दबूया थःगु हे भवन थःगु कार्यकालय् दय्केगु धासैं फुथें, चाःथे ग्वहालि याय्गु नितिं इनाप यानादिल । नायः बज्राचार्य

सडक विस्तार, फास्ट ट्रयाकलिसैं थीथी विकासया नामय् राज्यं नेवाःतय्त क्वत्यलाचवंगु अवस्थाय् नं स्वनिगलय् चर्चिं नेवाःत थवथवय् छप्पँछधी जुइत थाकुयाचवंगु धासैं स्वनिगःपिने चर्चिं नेवाःत धाःसा छप्पँछधी जुयाः ज्यान्त्याकाचवंगुलिइ गर्व याय् बहःजुगु धयादिल । 'गुथि विधेयकया आन्दोलनय् नेवाःत सकलें धर्म, पार्टी छुं हे मधाःसे छप्पँ छधी जुयाः कुहांवःबलय् गथे जुल सकसिनं खँ हे खन । देय्या ततःधंगु

ल्यं ७ पेजय्

Trendiest Fashion At Price You Love

ufo THE CHANGING STORE

ADDRESS: POLSATI DICE

तान्वःया पासा कुल्फी/आइसक्रिम भपिया दिसैं ।

Himalayan Ice

घौ, दुरु, छ्यः, बटर व क्रिम बजारय् उपलब्ध दु

मुख्यावकाशक नगरपालिका, बडा नं. १, सिकदर भन्सा, खप्त

९८४९६४८६२५, ९८०८६०८७२५



नेवा: राष्ट्रिय म्ये

चमि : दुर्गालाल श्रेष्ठ लय चिनामि : तिर्थ माली

धुन दने धुन सँन्टयलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्यं लुइ कर्पं च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय

प्रधानमन्त्री ग्याःगु खःला कि
गणतन्त्रय् तानाशाह प्रवृत्ती ?

थनिं छ्वाः हे जुल का, यँया बानेश्वरय् प्रधानमन्त्री
पुष्पकमल दाहाल 'प्रचण्ड' दुगु छगू ज्याइवल्य वय्कः विरुद्ध
नाराबाजी जूगु। उक्तथं नाराबाजी याःपिं मनूतय्त प्रहरीं म्हुतु
प्वाःतिकाच्चंगु किपा सामाजिक संजालय् भाइरल हे जूगु
खः। व नाराबाजी याःपिं मनूतय्त प्रहरीं ज्वना नं यंकल सा
आः धरौटी मपूबल्य उमित जेल हे चलान यानाब्यूगु दु।
प्रधानमन्त्री विरुद्ध नाराबाजी याःगुलिं उमित हिरासतय् काल।
अले न्याहः दां जरिवाना पुलेत धाःगुलिइ व धेबा मपूबल्य
उमित जेल चलान यात। थ्व सकतां खँ ल्हानाच्चनेबल्य् भी
संघीय गणतन्त्र नेपालया हे नेपाःमि खःनिकि नेपालय् पंचायत
अथवा अभ्र धाय् राणा शासन लिहांवय्धुंकूगु खः धकाः बिचाः
याय्माःगु अवस्था वल थें तायाच्चंगु दु।

राणाशासनय् राणातय् विरुद्ध छुं हे न्ववाय्मदु।
पंचायतय् राज्यया विरुद्धय् न्ववाय्मदु। अले राजतन्त्रय्
जुजुया विरुद्ध छुं हे न्ववाय्मदु। मेमेगु यक्व हे खँतं दनि तर,
आःयात न्ववाय्गु बारे जक हे खँ ल्हाय् का। न्ववाय्गु छगू
अधिकार तर्क कुण्ठित यात धकाः हे भीसं व व्यवस्थायात
तानाशाही धया व अज्याःगु तानाशाही व्यवस्थायात हाकुतिना
नं छ्वयागु खः। अन भीसं देशय् संघीय गणतन्त्र स्थापना
यानागु खः। तर आः थ्व पहः स्वयंबल्य् छु देशय् गणतन्त्र
वःगु, भी संघीय गणतन्त्र नेपालय् च्वंच्वनागु दु धाय्गु
लकस खनेदुला ? प्रधानमन्त्री विरुद्ध नाराबाजी यात धकाः
ज्वनायंकेगु अले कुनाबीगु, राणाशासन विरुद्ध न्ववात धकाः
ज्वनायंकाः कुनाबीगुलिइ छु पात ? थ्व निता घटनाय्
तात्विक भिन्नता खास हे खनेमदु।

पुलांगु हे व्यवस्थाया हिमायतीतय् गणतन्त्रयात
व्वःबलीबल्य् छिमिसं धाःगु व्यवस्थाय् जनतायात न्व
तक वाकेब्यूला धकाः धाय्गु भीसं ? तर आः व नं धाय्
मछिनेधुंकल। आः वयाः ला पुलांगु व्यवस्थाया हिमायतीतय्सं
बानेश्वरया उगु फोटो स्वयाः छिमिगु गणतन्त्रय् ला सासः हे
ल्हाकेबीमखुत धकाः तर्कं धाल। आः भीसं लिसः बीगु छु ?

वयां लिपाया खँ ल्हाय्गु खःसा राष्ट्रपतिया सुरक्षा
व्यवस्था छ्वासुकाः जाम मयाय्धुंकूगु आःया अवस्थाय्
प्रधानमन्त्री दुगु ज्याइवःया स्थलय् मनूतय्त न्यासि वने तर्कं
मबीगु स्थिती जूगु दु। सुं नं मनूत प्रधानमन्त्री दुगु दबू न्ह्यःने
तर्क वने दइमखु। उलि जक मखु, आयोजक थःगु समुदाय व
ज्याइवःया प्रकृती स्वयाः पाहांतय्त आसन ग्रहण याकेमदु।
प्रधानमन्त्री दइगु जुल धाःसा अन सुयात आसन ग्रहणय्
तय्गु, सुयात शासकया शासित जनता थें दबुलिं क्वय् तय्गु
धाकाः प्रधानमन्त्रीया दूत वयाः धाःवइ। गपाय्सर्क ग्याःगु
खः प्रधानमन्त्री ? कि गणतन्त्र नेपालय् हाकनं तानाशाह हे
लिहांवःगु खत ?

धात्थें संघीयता संघीय सरकारया
प्रशासनिक ईकाइ जक खःला ?

दिलिप शाही “शान्तिचञ्जु”

तत्कालीन प्रधानमन्त्री
केपी शर्मा ओली प्रदेश संरचना संघीय
सरकारया प्रशासनिक ईकाइ जक खः
धकाः न्ववाय्वं उकियात कयाः विरोध
जूगु खः। तर थौं वयाः ओलीया उगु
धापू पुष्टि जर्क जुयाच्चंगु मखुला
धइगु न्ह्यसः धाःसा ब्वलकाब्यूगु दु।
आः प्रदेशय् जुयाच्चंगु राजनीतिक
घटनाक्रमं उकियात संकेत यानाच्चंगु
दु। केन्द्रीय सत्ता समिकरण हिलेवं
आः प्रदेशय् नं सत्ता समिकरण हिलेगु
क्रम शुरु जूगु दु। थुकिं यानाः नेपालय्
संघीयता संघीय सरकारया प्रशासनिक
ईकाइ जक खः कि धइगु न्ह्यसः
सर्वसाधारण जनताया दथुइ ब्वलनीगु
स्वभाविक खः।

देय् संघीयताय् वनेधुंकाः उकियात
स्वायत्तता बीमाःगु खः। तर राजनीतिक
दलतय्सं आःतक नं प्रदेशयात स्वायत्तता
बीगु कुतः यानाच्चंगु मदु धइगु दसि आः
जुयाच्चंगु प्रदेशया राजनीतिं क्यनाच्चंगु
दु। केन्द्रीय सरकारय् ह्यूपः वय्वं आः
प्रदेशय् नं न्हापाया सरकार क्वथलाः
न्हूगु गठबन्धन कथं सरकार गठन
यायेगु ज्या जूगु दु। गुकिया लिच्चः कथं
न्हय्गू मध्ये खुगु प्रदेशय् सरकार हिलीगु
निश्चित जुइधुंकूगु दु। छगू कथं धाय्गु
खःसा केन्द्रया हस्तक्षेप आः प्रदेशय्
न्यनावंगु दु। लोकतान्त्रिक व्यवस्थाय्
प्रदेशया थःगु हे मूल्य मान्यता दयेमाःगु
खः। तर आः जुयाच्चंगु राजनीतिं यानाः
प्रदेशय् लोकतान्त्रिक मूल्य मान्यता
खण्डित जूगु महसुस याय्माःगु अवस्था
वःगु दु। थुकिया लिच्चः मुक्कं देय्या
राजनीतिइ लाइगु जक मखु, प्रदेशया
विकासया निती नं केन्द्रीय हस्तक्षेप
उचित जुइमखु।

प्रदेश स्वायत्त खः। अले थन
जुइगु गुगु नं निर्णय प्रदेश यायेमाःगु
खः। तर अथेजुयाच्चंगु मदु। गुकिं
लिपा वनाः प्रदेशया भविष्य छु जुइ
धइगु न्ह्यसः तर्कं ब्वलनाच्चंगु दु।
प्रदेशया सवालय् केन्द्रीय सरकार
जुइमा वा राजनीतिक पार्टी हे जुइमा,
उलि सकारात्मक मदु धकाः वर्तमान
राजनीतिक घटनाक्रमं क्यनाच्चंगु दु।
थ्व धइगु निश्चित रुपं प्रदेशया निती
उचित मखु। भीसं जःलाखला देय्
भारतयात जक स्वयंगु खःसां अन केन्द्र
प्रदेशया राजनीतिइ हस्तक्षेप याय्गु
यानाच्चंगु मदु। आःतक अनया प्रदेशं
स्वतन्त्र जुयाः हे ज्या यानाच्चंगु खंकेफु
तर, नेपालय् प्रदेशयात स्वायत्तता बीत
राजनीतिक पार्टीलिसं केन्द्रीय सरकार
छाय् लिचिला च्वन धइगु न्ह्यसः



हरेक सँया निर्णय केन्द्रं हे याय्गु खःसा स्थानीय स्वायत्तता
छाय् माल। प्रदेशया आवश्यकता छाय् जुल ? अथे ला
राजनीतिक पार्टीतय्सं वा केन्द्रीय सरकारं आः तर्क प्रदेशयात
माःगु अधिकार बीगु सँय माःगु विधेयक दय्केगु ज्या
यानाच्चंगु मदु।

च्वनाच्चंगु इलय् थुकथं राजनीतिक
हस्तक्षेप यानाः प्रदेश सरकार हिलेगु
ज्या निश्चित रुपं उचित मखु। मेगु खँ
केन्द्रया निर्देशन कथं प्रदेशय् जुयाच्चंगु
राजनीतिक हस्तक्षेपयात स्वीकार
याय्गु ज्या पार्टीया कार्यकर्तातय्सं गुगु
यानाच्चंगु दु, थ्व नं उचित मखु। थ्व
खँयात प्रदेशय् राजनीति यानाच्चपिं नेता
कार्यकर्तातय्सं थुइकेमाःगु आवश्यकता
थौं जुयाच्चंगु दु।

पञ्चायत कालय् नं केन्द्र हे फुक्क
थासय् स्वइगु कारणं नेपाःया आपालं
थाय् विकास मजुयाच्चंगु खः। स्थानीय
समस्याबारे केन्द्र सरकारयात जानकारी
तर्क मदइगु अले स्थानीय आवश्यकता
छगू केन्द्र थुइकेगु मेगु याःगु कारणं
यानाः हे देय् विकास मजुयाच्चंगु खः।
अज्याःगु समस्या मदय्केगु नीति कथं
हे माओवादी संघीयताया वकालत
याःगु खः। तर थौं स्वयं माओवादी
हे प्रदेशयात स्वायत्तता बीगु त्वःताः
प्रदेशय् राजनीतिक रुपं हस्तक्षेप याय्गु
उचित मखु। प्रदेशया विकास याय्गु
खःसा प्रदेशयात स्वायत्तता बीमाःगु
जक मखु, अनया छुं नं निर्णय याय्गु
खःसा राजनीतिक पार्टीतय्सं स्थानीय
कार्यकर्तायात हे निर्णय याकेगु जिम्मा
बीमाःगु खः। गुकिं यानाः छखे थःगु
समस्या थम्हं समाधान याय्फइगु जक
मखुसं राजनीतिक रुपं नं थःत विकास
याय्फइगु अवस्था ब्वलनी।


हरेक खँया निर्णय केन्द्रं हे याय्गु
खःसा स्थानीय स्वायत्तता छाय् माल।
प्रदेशया आवश्यकता छाय् जुल ? अथे

ला राजनीतिक पार्टीतय्सं वा केन्द्रीय
सरकारं आः तर्क प्रदेशयात माःगु
अधिकार बीगु खँय माःगु विधेयक
दय्केगु ज्या यानाच्चंगु मदु। गुकिया
लिच्चः कथं प्रदेशं थःत माःपिं कर्मचारी
भर्ना याय्गु जक मखु आवश्यक
ऐन कानुन तर्क दय्के फयाच्चंगु मदु।
गुकिं यानाः प्रदेशय् थीथी कथंया
ज्या याय्त तर्कं समस्या जुयाच्चंगु
दु। उक्तथं हे प्रदेशया कानुन मदयाः
स्थानीय निकायपाखे दय्केमाःगु थीथी

कथंया ऐन नियम दय्के फयाच्चंगु
मदु। थुकथं समग्र रुपं स्वयंगु खःसा
केन्द्रया हस्तक्षेपया कारणं स्थानीय
राजनीति नं सवल जुइगु सम्भावना
मदयाच्चंगु दु। छुं नं निकायया विकास
याय्गु खःसा अज्याःगु निकाययात
स्वायत्तता बीगु निती हे संघीयता माःगु
खः। तर थौं नेपालय् संघीय संरचनाय्
वनेधुंकाः नं राजनीतिक रुपं उकियात
स्वीकार याय्मफयाच्चंगु अवस्था खः।
गुकिया निती प्रदेशय् राजनीति याइपिं
राजनीतिक पार्टीया कार्यकर्तातय्सं
थःपिसं नं थुइकेमाःगु आवश्यकता थौं
जुयाच्चंगु दु। गबलय् तर्क केन्द्रया
हस्तक्षेप स्वीकार याइ, उगु इलय् तर्क
थुकथं राजनीतिक हस्तक्षेप जुइगु
स्वभाविक खः। अले थुकथं राजनीतिक
रुपं दवाब स्वीकार याय्गु धइगु
लोकतान्त्रिक समाजयात त्वःगु ज्या
धाःसा निश्चित रुपं मखु। अथे जुयाः
थौंया आवश्यकता धइगु संघीय संरचना
कथं थःपिंत हिलेगु खःसा दकलय् न्हापां
प्रदेशय् राजनीति याइपिसं दकलय् थःत
हिलेमाःगु दु। मखु केन्द्रया हस्तक्षेपयात
स्वीकार याय्गु खःसा प्रदेशया विकास
याय्त थाकुइगु निश्चित दु। छुं नं थाय्था
विकास याय्गु खःसा अन निरन्तर रुपं
सरकार दय्माः। पटक-पटक सरकार
हिलेगु ज्यां विकास निर्माणयात लिच्चः
लाकाच्चंगु राजनीतिक पार्टीतय्सं
मस्य्गु निश्चित रुपं मखु। अथेजुयाः
विकास निर्माणयात गति बीगु खःसा
प्रदेशया राजनीति स्वतन्त्र जुइमाःगु
आवश्यकता थौं जुयाच्चंगु दु।

સુનીલ મહર્જન

अथहे, मेपिनिगु बाली नोक्सानी,
 छैय् लहिनातःम्ह पशुपंक्षी तंगु वा
 लूगु, ज्याथः नागरिकया पालनपोषण
 व सुसाःकुसाः मयाःगु व नाबालक
 काय्मथ्याय् वा कलाःभाःतयात इज्जत
 आमद कथं नयपुने वा शिक्षादिक्षा
 मब्यगु विषय निरूपण यायगु प्रकृतिया
 विवादय् लाः । थुकिया नापं थ्व कथंया
 विवादय् दैय् २५ लख तकातककया
 बिगो दुगु छैया बाः, बाःया सुविधा,
 मेम्ह मनूया छै, जग्गा वा सम्पत्तियात
 लिच्चः लाइगु कथं स्वांमा, सिमा
 पिनातःगु, थःगु छै वा बलेसीं मेपिनिगु
 छै, जग्गा वा सार्वजनिक लैय् लः
 क्वफाःगु अले सैंधियारया जग्गापाखे
 इयाः लाकाः छै दय्केमालीबलय्
 कानुन कथं त्वःतेमाःगु ल्याखय् जग्गा



संवैधान प्रत्येक नगरपालिकाय
उपप्रमुखया कजिसुइ स्वम्ह दुजःया
न्यायिक समिति गठन याय्माःगु
उल्लेख याःगु दु । संविधान न्यायिक
समितियात ब्यूगु अधिकार व उकिया
अभ्यासया इवल्य विचारय् एकरूपता
हय्गु आजुं सम्मेलन याय्त्थनागु
यै महानगरपालिकाया उपप्रमुख सुनीता
डंगोल वंगु बिहीबाः ग्वसाः ग्वःगु
वत्रकार सम्मेलनय धयादिल । 'गुलिखे
स्थानीय तगिमय न्यायिक समितियात
ब्यूगु क्षेत्राधिकार छ्यलेमफूगु
अवस्थाय दुसा गन क्षेत्राधिकार
क्वत्यःगु खनेदु । थज्याःगु अवस्थाय
देय्न्त्यंकया स्थानीय तहका न्यायिक
समितिया विचारय समानता हय्माःगु
दु ।' महानगरपालिकाया न्यायिक
समितिया कजि तक खःम्ह उपप्रमुख
डंगोल धयादिल ।

स्थानीय तहलय न्यायिक
समितिया अभ्यासया अनुभव
कालबिलं समितिया प्रभावकारीता
थकाइगु विश्वास प्वंकुसे उपप्रमुख
डंगोल धयादिल 'शुकिं न्यायलय
सर्वसाधारणया पहुँच अभ् थकाइ ।
न्याय थिकेय धइगु बिचाः त्वाःथलेत
ग्वहालि जुइ ।'

सम्मेलन यायगु बिचाः गुकरं
वल धङ्गु सञ्चारकःमित् न्थ्यसलय्
उपप्रमुख डंगेलं धयादिल, 'न्यायिक
समितिया कजि जुयाः ज्या यायगु
इवल्य् थुक्रिया बारे मेपिन्सं गुकरं ज्या
यानाच्चंगु दु ? छु गज्याःगु समस्या
फयाच्चंगु द धङ्गु उत्सुकरां सम्मेलन

यायूग परिकल्पना वःगु खः ।' उपमेयर डंगोल थप धयादिल, 'उपमेयर वा उपप्रमुख सकसिनं कानून ब्वना- वःगु दइमखु। न्यायिक समितिया प्रभावकारी अभ्यासबारे समितिया ज्या, कर्तव्य व अधिकारबारे किताब ब्वनाः जक मगाः। अभ्यासीसलसैं अनुभव कालबिल, सहलहया आवश्यकता जुइ। सम्मेलन यायूग निर्णय थ्व हे बिचाःया लिच्चः खः। न्यायिक समितित व्यवस्थापन क्षमता व न्यायिक ज्ञानया अभावय् अपेक्षा कथं प्रभावकारी जुइमफूग अवस्था सम्मेलनं समितिया प्रभावकारीताया दिशानिर्देशन याइगु अपेक्षा कयागु नं उपप्रमुख डंगोलेया धापू खः।

नेपाल प्रज्ञा प्रतिष्ठानय् जुङ्गु उगु सम्मेलनय् प्यंगू कार्यपत्र न्ह्यब्वइ। न्हापांगु कार्यपत्र अधिवक्ता इन्दु तुलाधरं न्यायिक समितिया अवधारणा, थीथी कानूनय् दुगु न्यायिक समिति सम्बन्धी व्यवस्था, न्याय सम्पादनय् न्यायिक समितिया क्षेत्राधिकार व थुकिया प्रचलनया विषयस न्ह्यब्वयादी। निग्लू सत्रय् अधिवक्ता डा. सरिता खनालं न्यायिक समितिं याङ्गु न्यायिक निर्णय व थुकिया लागिं अनिवार्य रुपं पालना याय्माःगु प्रक्रियाया विषयस न्ह्यब्वयादी। स्वांग्लू कार्यपत्र स्थानीय विवाद समाधानय् मेलमिलाप प्रक्रिया थ थुकिया प्रवर्द्धन विषयस वरिष्ठ अधिवक्ता रामकृष्ण काफ्ले न्ह्यब्वयादी। प्यंग्लू कार्यपत्र वसन्त आचार्य न्यायिक समितिं याङ्गु न्यायिक निर्णय थुकिया लागिं अनिवार्य रुपं

पालना याय्माःगु प्रक्रियाया विषयस
प्रस्तुत यानादी । थ्व प्यंगूमध्ये न्हापांगु
दिनय् स्वंगू व निन्हुगु दिनय् छगू
कार्यपत्र न्ह्यब्वड् ।

सम्मेलनय् न्हापांगु स्थानीय तहया कार्यकालय् न्यायिक समितिया अभ्यासबारे पूर्व उपप्रमुखतय्सं अनुभव न्यकेगु ज्याइवः दु। सम्मेलनय् दंगु जिज्ञासा, धारणा, विचारयात केन्द्रीत यासैं सम्मेलनया निन्हुगु दिनय् विवाद निरुपण यैं घोषणापत्र जारी याइ। 'वलिसें दिग्दर्शन प्रकाशित जुइ। गुकिं यानाः न्यायिक समितिं याःगु फैसलात कार्यान्वयनय् बः जूवनी। मेलमिलापया सबल पक्ष लीत सकलें प्रेरित जुइफ्यमा' उपप्रमुख डंगोलं धयादिल।

न्यायिक समितिचा राष्ट्रिय सम्मेलनयु ब्वति कायूत ७५३गुलिं स्थानीय तहया न्यायिक समितिचा प्रतिनिधितयतु ब्वंगुलिइ शुक्रबाःतक्कयु ४२० स्थानीय तह ब्वति कायुगु निर्णय यायधुंकूगु दु। महानगरपालिकाया ३२ मध्ये २० वडायू मेलमिलाप केन्द्र स्थापना यानाः न्त्याकूगु दु। त्यं दुगु वडायुं न बुलुहुं न्त्याकेगु तयारी याःगु दु। थुनिया लागिं ७६ मेलमिलापकर्ताया नां सूचीकृत जूगु दु। पक्षं चाहे जूम्ह मेलमिलापकर्ता त्ययाकायू फयूमा धकाः उमिगु फोटोहिलसेंया धलः वडायू छ्वःगु दु। न्यायिक समितिइ वइगु अप्वः थे विवाद छैंबा न क्वथा खाली याकेगु विषयस दुगु धाःगु दु। अथे हे, लैङ्गिक हिंसा न घरायसी समस्या समाधान यायूत प्रत्येक वडायू मिसा सज्जाल गठन याःगु दु।

[illegible]





कासा निर्माता : प्रज्वल शाक्य



प्रजित शाक्य

”

व धेबां नेपालया
क्रिकेट विकासया
लागिं

मदय्कं मगाःगु
स्तरीय प्रशिक्षक,
अभ्यास, अभ्यास,
खेलाडीया भता,
नियमित प्रशिक्षण
शुज्वःगु ज्या याय्त
अःपुइ ।



कासा जीवन धुंकाः मेगु थीथी भूमिकाय् कासा ख्यलय् हे ज्या यानाचवनीपिं थन म्हवः मजू। गथे कि प्रशिक्षक, निर्णायक, प्रशासन, व्यवस्थापक आदि। कासा जीवन क्वचायाः प्रशिक्षक, व्यवस्थापक जूपिं आपाःसिगु हे दसु थन दु। तर कासा निर्माताया रुपं ज्या याईपिं धाःसा म्हवः हे जक दु। प्रज्वल शाक्य थ्व हे म्हवः दसुइ लाः। प्रज्वल शाक्य नेपाल टेलिभिजनया कासा निर्माता खः। नेपाल टेलिभिजनय् भन्डै निगू दशक न्हयःनिसें वय्कःया ज्याइवः निरन्तर वयाच्वंगु दु, 'स्पोर्ट्स इन्फो'। स्पोर्ट्स इन्फो कासा म्हासीका बीगु जानकारीमूलक व बिस्कं कथंया ज्याइवः खः। प्रज्वलया धाःसा थुकियात रिसर्च बेस ज्याइवः धाय्



यः। 'जिमिसं थुकी कासाया म्हासीका बीगु जक मखु, विशेषज्ञयात सःताः उगु कासाया चिचीधंगु पक्षबारे नं विस्तृतरुपं जानकारी दुथ्याकाः ज्याइवः दय्केगु याना' वय्कलं धयादिल। नेपाल टेलिभिजनय् वइगु वय्कःया मेगु ज्याइवः खः, 'स्पोर्ट्स वर्ल्ड'। थुकी हलिया कासा गतिविधित प्रसारण जुइ। नेपाल टेलिभिजनं जुइगु प्रत्यक्ष प्रसारणय् नं प्राय प्रज्वल व्यस्त खनेदइ। आः नेपालया दशरथ रङ्गशालाय् जुयाच्वंगु प्रधानमन्त्री श्री नेसन्स कप फुटबल च्याम्पियन्सीपया प्रत्यक्ष प्रसारण नेपाल टेलिभिजन प्लसं जुयाच्वंगु दु। व प्रत्यक्ष प्रसारणया निर्माताया भाला नं वय्कःया हे ब्वहलय् दु। कासा निर्माताया रुपं नेपालगञ्जय् जूगु च्याक्वःगु राष्ट्रिय खेलकुद, सन् २०१९य् यैय् जूगु साफ यु १८ फुटबल च्याम्पियन्सीप, सन् २०१९य् हे यै व पोखराय् जूगु १३क्वःगु दक्षिण एसियाली खेलकुद, सन् २०२०य् कतार एयरवेज सहिद स्मारक ए डिभिजन लिग, सन् २०२१य् जूगु श्री नेसन्स कप (नेपाल, बंगलादेश र किर्गिस्तान यु २३), एएफसी कप साउथ एसिया ल्यज्या (नेपाल आर्मी-श्रीलङ्का पुलिस), पोखराय् जूगु गुक्वःगु राष्ट्रिय खेलकुद, वय्कः निर्माता जूगु मेगु छुं न्हयथनेबहःगु मू



कासा इभेन्ट खः।

प्रज्वलया धापू कथं कासा ज्याइवः निर्माताया चर्चा उलि जुइमखु। तर थ्व ज्या अःपूगु नं मखु। छुं नं ज्याइवःया दक्वं व्यवस्थापन याय्गु ज्या कासा निर्मातां याय्माः। वय्कलं धयादी, 'आः एनटिभीइ प्रत्यक्ष प्रसारण जुयाच्वंगु श्री नेसन्स कपया हे दसु काय्, उकी कमेन्टर, प्राविधिकत चयननिसें दक्वं व्यवस्थापन याय्माः।' वय्कः फुटबल धयाकथं भुतुक जुइमह मनु खः। फुटबलप्रतिया माया प्रज्वलयाके अथें दुगु मखु। वय्कःया अबु महुमह सानुराजा शाक्य घरेलु फुटबलय् न्हापा नांजाःमह गोलरक्षक खः। वय्कः अबु सानुराजा एनआरटी व संकटा क्लबया लागिं ताः ई म्हितादिल। अय्जुयाः नं प्रज्वलया फुटबलप्रति माया चीधकःबलय्निसें दयावःगु धाःसां पाइमखु। बांलाःमह फुटबल कासामि जुइगु म्हास पूर्वकेत संकटाय् अभ्यास नं न्ह्याकादिल। तर सन् १९९५य् इजिप्शियनरिड अध्ययन याय्त रुस वनेधुंकाः वय्कःया कासा जीवन दित। यद्यपि निदँ रुस च्वनेधुंकाः नेपाल लिहावःमह प्रज्वलं थःगु करियर कासा ख्यलय् हे दय्कादिल। संकटाया लागिं छुं क्वय्या स्तरया धेंधें बल्लाः म्हित्मह प्रज्वल ए डिभिजनया तयारी यायां नेपाल टेलिभिजनय् आवद्ध जुयादिल। वय्कःया फुटबल म्हितेगु क्षमतां हे मिडिया कपय् म्हितेत नेपाल टेलिभिजनं प्रज्वलयात जागिर ब्यूगु खः।

आः प्रज्वल एनटिभीया कासा निर्माता जक मखु, मेगु थीथी भूमिकाय् खेलकुदय् सक्रिय दु। नेपाली फुटबलया छू शीर्ष क्लब संकटाया मिडिया अफिसर नं खः, प्रज्वल। अथे हे, काठमाडौं जुडो संघया सल्लाहकार व नेपाल स्ववास तथा च्याकेट्स संघया मिडिया कन्सलट्यान्ट नं खः। न्हापा

संकटा क्लबया सहायक फुटबल प्रशिक्षक जुयाः ज्या याःगु अनुभव नं प्रज्वलयाके दु।

प्रज्वलयात आः संकटा क्लब घरेलु लिग च्याम्पियन जूगु स्वयं मास्तेवयाच्वंगु दु। व क्लबया मिडिया अफिसरया रुपं वय्कलं उगु क्लबया समाचार सर्कुलेट याय्गु जक मखु, संकटाया प्यान बेस थकाय्त नं जानाच्वंगु दु। थः अबुं थःत न्यंकूगु खँ लुमंकुसें प्रज्वलं धयादी, 'जिमिगु पालय् धेंधें बल्लाः त्याकलीक संकटाया कासामितयुत देय् चाःहुइकीगु खः। उक्तं देय् चाःहुइकेगु इवल्य् समर्थकया साथ नं उक्तिकं दइ। व इलय् संकटा क्लबया तसकं चर्चा जुइगु जुयाः कासा जुइबलय् हुलकाहुल दर्शक कासा मैदानय् थ्यनी। संकटा, आरसीटी, एनआरटी, ब्वाइज स्पोर्ट्स थुज्वःगु टिमया कासा जुइबलय् यै हे शुन्य जुइगु। संकटाया उक्तंया फुटबल क्रेज आः गन दु?' आः प्रज्वलं मिडिया अफिसरया भूमिकाय् थमं फतले सामाजिक सञ्जाल अथवा मेगु माध्यमं संकटाया उक्तंया हे प्यान बेस लित हय्गु योजनाय् दु।

प्रज्वलया जिम्मेवारी निर्माताया जूसां दक्षिण एसियाली खेलकुद, राष्ट्रिय खेलकुद थुज्वःगु मू धेंधें बल्लाः जुइबलय् वय्कलं बुखँ मुंकेगु नं त्वःफिकादीमखु। छम्ह कासा पत्रकारया भूमिका निर्वाह यानाः छुं मू धेंधें बल्लाःया रिपोर्टिङया अनुभव नं वय्कःयाके दु। वय्कः एएफसी एसियन कप २०१८या बुखँ मुंकेत राष्ट्रिय फुटबल टिमलिसे कतार भाःगु खः। अथेहे, इन्डोनेसियाय् जूगु एसियाली खेलकुदया रिपोर्टिङया अनुभव नं वय्कःयाके दु। प्रज्वलं रुस, भारत, कतार, श्रीलङ्का, मलेसिया, सिङ्गापुर, इन्डोनेसिया, अस्ट्रेलिया, बेल्जियम, नेदरल्यान्ड्स, स्विट्जरल्यान्ड व फ्रान्स चाःहिलादीधुकूगु दु।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरीङ पनि गरिन्छ।

राम प्रजापति
प्रोप्राइटर

हारती मिठाई भण्डार

(इच्छा शाकाहारी)

कालिमाटी चोक, टंकेवर मार्ग, काठमाडौं।
फोन नं : ०१-४३७२९९९, मो. ९८०३९८०६९९

यहाँ:- विवाह, व्रतबन्ध, पाटी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ।

भाषा विधेयक संसदय् पेश याइगु



नेवा: व तामाडतय्सं माग यानावःकथं बागमती प्रदेश सरकारं वइगु बैशाख महिनाय् भाषा विधेयक संसदय् पेश याइगु जूगु दु। भाषा आयोगया सिफारिस कथं नेवा: व तामाड भाय् प्रदेशया सरकारी कामकाजी भाषाया रुपय् मान्यता बीगु नितिं विधेयक यंका: कानुन दय्केमा:गु अवस्था दु।

नेवा: देय् दबू स्वनिग: विशेष प्रदेश समितिपाखें थनि दच्छि

न्त्यव:निसैं हे भाषा विधेयक संसदय् यंका: पारित याना: नेवा: भाय् व तामाड भाय् प्रदेशया कामकाजि भाषाया रुपय् मान्यता बीमा: धका: माग याना: थीथी कथंया अभियान न्ह्याकावयाच्चंगु ख:।

देय् दबू स्वनिग: विशेष प्रदेशया नाय: श्रीकृष्ण महर्जनं आ: चैत्र महिनाया दुने बागमती प्रदेशया नितिं भाषा विधेयक दय्केगु ज्या याइगु नापं बैशाख महिनाय् संसदय् पेश याना:

ऐनया रुपय् कार्यान्वयनय् हइगु खँय् थ:पिं विश्वस्त जुयाच्चनागु धयादिल। वागमती प्रदेशया सामाजिक विकास मन्त्री नापं भाषा सम्वन्धी कार्यदलया कजि कुमारी मोक्तानं प्रस्तावित विधेयक दय्केगु भाला कार्यदलया नितिं नियुक्ति जूपिं निम्ह भाषाविदयात बियादीगु जानकारी नं स्वनिग: विशेष प्रदेशया नाय: महर्जनं बियादिल।

थ्यं मथ्यं लच्छि न्ह्य: बागमती प्रदेश सरकारं सामाजिक विकास मन्त्री मोक्ताडया कजिसुइ सम्वन्धीत मन्त्रालयया सचिव हे सदस्य सचिव जुइगु कथं प्रदेशया पर्यटन उद्योग सहकारी मन्त्री डम्बर तामाड व श्रम तथा रोजगार मन्त्री एकलाल श्रेष्ठयात दुज: कथं नियुक्ति या:गु ख:। तामाड भाषा विज्ञ कथं अमृत योजन तामाड व नेपालभाषा विज्ञया विज्ञ कथं डा. ओमकारेश्वर श्रेष्ठयात दुज: नियुक्ति या:गु ख:सा अनं लिपा हे कार्यदलया मुँज्या च्वंगु ख:।

पवन जोशीया ७४ पूगु म्ये रेकर्ड



लोकह्वा:म्ह निर्देशन पवन जोशीया ७४पुगु म्ये 'छं त्व:ता: थकल हा:ना: सुं मन्त' म्येया रेकर्डिड क्वचा:गु दु। संगीतकार अनिल तुलाधरं लसय् हनादीगु म्येय् राजेन्द्र शाक्यं स: बियादीगु ख:। कमलपोखरी, यँया भ्वाइस स्टुडियोस रेकर्डिड जूगु म्येयात नांजा:म्ह संगीतक:मि दीप

तुलाधरं रेकर्ड व मिक्सिड यानादीगु दु। थुगु म्येया म्युजिक भिडियो याकनं हे दय्केगु जानकारी कलाकार सुरेन्द्र श्रेष्ठ बियादीगु दु। म्युजिक भिडियोय् कलाकार सुरेन्द्र श्रेष्ठ व सरु भारतीलिसैं नं मू भूमिका म्हितीगु थुगु म्युजिक भिडियोया निर्देशन पवन जोशी थम्हं हे यानादीत्यंगु दु।

कोरोनातन्त्र बजारय्

च्चिम रवीन्द्र समीरया भिस्वंगूगु सफू कोरोनातन्त्र बजारय् व:गु दु। लघुकथा विधाय् अब्बल सर्जक समीरया थुगु भिगुगु चिबाखं मुना ख:सा निगूगु उपन्यास ख:। कोरोनातन्त्र सूत्र उपन्यास दुने सच्छिपु बाखं दुथ्याका: उपन्यास तयार या:गु ख:। कोरोनाया वैश्विक महामारीया सुरुनिसे समाजय् खनेदुगु ग्यानापूगु, हल्ला, उपचारया अनिशितता, बेड व अक्सिजनया अभाव, सरकारी अकर्मण्यता, खोपबारे उत्पन्न भ्रमलिसैं महामारी व:गु मनोसामाजिक अवस्थायात समीरं सुत्रात्मक रुपं न्ह्यब्वयात:गु दु। कोरोनातन्त्रया हरेक बाखनय् कोरोनाया इलय् उखान नाप शास्त्रीय धापू सफुतिइ दथ्याकात:गु दु।

जोशीया ८५ क्व:गु बुन्हि हन



महाकवि गिरिजाप्रसाद जोशीया ८५ क्व:गु बुन्हि छगू ज्याइव: यासैं हंगु दु।


वंगु शनिबा: सुकुन्दा साहित्य पा:ला: (आरआर क्याम्पस) या खसालय् ओन्देस्थित नारायण परिवार क्लबय् ज्याइव: जूगु ख:।

ज्याइवल्य् थ:गु नुग: खँ तसैं संस्कृतिविद् प्रा.डा. चन्द्रमान

वज्राचार्य शिथिल अवस्थाय् थ्यने धुंक्कूगु साहित्यिक ज्याइव:यात हाकनं पुनर्जीवन ब्यूगु धासैं खसा: खल:यात सुभाय् देछानादिल। लिसैं वय्कलं वइगु दिनय् मेमेपिं साहित्यकारयात नं लुमंका: थुकथं हे ज्याइव: यानावनीगु आशा नं प्वंकादिल।

अथे हे, महाकवि जोशीया काय् यचु जोशीं नेपा:मि जनतां देय्या

वरिष्ठ रेडियोक:मि कृष्णा ताम्राकार मन्त



वरिष्ठ रेडियोकर्मी लिसैं समाचारवाचक कृष्णा ताम्राकार मन्त। वंगु बिहीबा: चान्हय् न्युरो अस्पतालय् वास: यायगु इवल्य् वय्क: मदुगु ख:।

८६ दँया ताम्राकारयात निमोनियाया वास: याय्त छुं दिं न्ह्य:

वय्क:यात न्युरो अस्पतालय् भर्ना या:गु ख:। वि.सं. २०१८ सालनिसैं रेडियो नेपालं सञ्चार जगतय् दुर्हाभा:म्ह ताम्राकार थीथी सिरपा: व सम्मानं सम्मानित जुइधुंक्कू दु। वय्क:या वंगु शुक्रबा: यँया पशुपति आर्यघाटय् अन्त्येष्टि यायधुंक्कू दु।

खुक्व:गु हलिं...

योगदान ब्यूपिं नेवा: समुदायया व्यक्तित्वतय्त सम्मान नं या:गु ख:। नेपालभाषालिसैं नेपाली साहित्य क्षेत्रय् विशिष्ट योगदान बियाद्यूमह जनकवि दुर्गालाल श्रेष्ठयात ज्याइवल्य् विशेष सम्मान या:गु ख:।

अथेहे, नेपालया न्हापांगु सकिपा 'आमा'य् आमाया भूमिका म्हितादीम्ह अभिनेत्री चैत्यदेवी सिंहयात नं हंगु ख:। व हे कथं, नांजा:म्ह म्येहालामि प्रवेशमान सिंहयात मदुम्ह म्येहालामि रमेश ताम्राकारया नामय् स्वनात:गु रमेश ताम्राकार संगीत सिरपालं पुरस्कृत या:गु ख:। थुगु सिरपा:या राशी १५ हजार तका ख:। उगु हे ज्याइवल्य् प्रा.डा. त्रिरत्न मानन्धर, पूर्वराजदूत केदारभक्त माथेमा, पर्यटन व्यवसायी कर्ण शाक्य, उद्योगपति रुपज्योति कंसाकार, पूर्व न्यायाधीश कल्याण श्रेष्ठ, पूर्व आईजीपि सिंह बहादुर श्रेष्ठ, समाजसेवी व साहित्यकार सुवर्णकेशरी चित्रकार लिसैंयात नं हंगु ख:।

अथेहे, हस्तकला कलाकार चिनकाजी ताम्राकार, बरिष्ठ फोटो पत्रकार नातिकाजी महर्जन, गणितज्ञ व ज्योतिष देवनारायण महर्जन, अन्तर्राष्ट्रिय कुश्तीबाज मिसा मुना श्रेष्ठ, बरिष्ठ साहित्यकार मथुरा साय्मि, व कास्की नेवा: खल:यात नं सम्मान या:गु ख:। सम्मानित सकलसित प्रधानमन्त्री दाहालं हनापौ ल:ल्हानादिल सा उपप्रधानमन्त्री नारायणकाजी श्रेष्ठं दोसल्ला व हलि नेवा: दबू नेपा: च्याटरया नाय: सुरेन्द्रभक्त श्रेष्ठं खादा न्यय्का: हनादीगु ख:।

नेवा: देय् ...

आन्दोलनया दथुइ नेवा: शक्ति दसु जुया: क्यनाबिल। गुकिं याना: राज्य लिचिलेत बाध्य जुल' नाय: बज्राचार्य धयादिल। 'भी थुकथं हे छधी छप्पं जुयाच्चनेगु ख:सा सुनां छुं नं याय् फइमखु धका: भीसं गुथि विधेयक विरुद्धया आन्दोलनं सय्केगु ख: कि मखु ?'

वंगु शनिबा: चाग:स्थित जगत सुन्दर ब्वनेकुथिइ देय् दबू यँ जिल्लाया दैमुँज्या ज्याइव: जूगु ख:। ज्याइवल्य् थ:गु नुग:खँ तय्गु इवल्य् स्वनिग: विशेष प्रदेशया नाय: श्री कृष्ण महर्जनं देय् दबूया पहल्य् अडान पौ बियागुया लिच्च: कथं बागमति प्रदेशय् नेवा: भाय् कामकाजी भाय्या रुपय् छ्यलेत निम्ह विशेषज्ञ सरकारपाखें ल्यय्गु ज्या जुइधुंक्कू धयादिल। लोककवि राजभाई जकमिं नेवा: देय् दबूया चिनाखँ ब्वनादीगु ख:।

जिल्लाया छ्याञ्जे धनबिर महर्जनं बार्षिक कार्य प्रगति प्रतिवेदन न्ह्यब्वयादीगु ख:सा दांभिरं धर्मराज शाक्यं आर्थिक प्रतिवेदन न्ह्यब्वयादीगु ख:। निगुलिं प्रतिवेदनय् व:गु न्ह्यस:यात कया: नाय: धनबहादुर महर्जनं लिस: बियादिल। लिसैं थ:गु नुग:खँया लिसैं नाय: महर्जनं जिल्ला समितिआ भावी कार्य योजनाया बारे नं जानकारी बियादीगु ख:।

उगु हे ज्याइवल्य्, जिल्लाया दुज:लिसैं अतिरिक्त क्रियाकलाप कजि बालकृष्ण श्रेष्ठं चिनाखँ ब्वना: न्यंकादीगु खसा दुज: मन्दिरा श्रेष्ठ नेवा: देय् दबू कीर्तिपुर नगरया नाय: बुद्धिलाल ज्यापुं च्वयादिगु म्ये हालादीगु ख:।

हरेक मंगलवार
राष्ट्रियताको लागि समर्पित

मेरो साप्ताहिक
मेरो साप्ताहिक **Mero Saptahik**

माला: माला: ब्वनादिसैं।

ज्वेल्स सहकारीपाखें स्वास्थ्य शिविर



ज्वेल्स बचत तथा ऋण सहकारी संस्था लिमिटेड सोमवाः यलया तबहालय बृहत निःशुल्क स्वास्थ्य शिविर ग्वसाः ग्वल । लाईफ लाइन हेल्थ होम केयरया सहकार्य व काठमाडौं मेडिकल कलेजया प्राविधिक ग्वाहालिं ज्वेल्स उगु ज्याइवः ग्वसाःग्वःगु खः ।

उगु शिविरय् ब्वतिकाःपिन्त वा, जनरल शल्यक्रिया, मचा ल्वय्, मिखा, न्हाय्, न्हाय्पं व कथु, हाडजोनी व नशा सम्बन्धी, मिसा ल्वय्या परीक्षण

याकूगु खः । उकियालिसें भिडियो एक्सरे, इ.सि.जि याकेगु व्यवस्था याःगु खः । शिविरय् थ्यंमथ्यं प्यसः म्हेसिनं स्वास्थ्य परीक्षण याकूगु सहकारीया कोषाध्यक्षतक जुयाच्चनादीम्ह ज्याइवः कजि प्रज्ञारत्न शाक्यं कनादिल ।

परीक्षण याकूपिं ५० दैं पुलेधुकूपिं मिसातय् ल्याः यक्व दुगु खः । स्वास्थ्य परीक्षण याकूपिन्त लिपा काठमाडौं मेडिकल कलेजय् थप वासः याकेमाःसा लाईफ लाइन

हेल्थ होम केयरया माध्यमं ३० प्रतिशत छुट व शल्यक्रियाय् ५० प्रतिशत छुट बीगु घोषणा याःगु खः ।

शिविरं मध्यम व निम्नमध्यम वर्गय् नियमित स्वास्थ्य परीक्षणया आवश्यकता बोध याकेगु लिसें स्वस्थ जुया च्वने माःगु खँय् सजगता अप्वय्कूगुलिं शिविर सफल दय्केत समन्वयकारी भूमिका निर्वाह यानादीम्ह समाजसेवी मोतिशान्ति शाक्यं कनादिल ।

तम्बःबहाःया क्वाःपाःद्यःछैं जिर्णोद्धार



महाबू तम्बःबहाःया क्वाःपाःद्यःछैंजीर्णोद्धारयानाःदनेगुज्या क्वचाःगुलिसें यैं महानगरपालिकाया उपप्रमुख सुनिता डंगोलं थुकिया उलेज्या यानादीगु दु । वंगु शनिबाः महाबू तम्बःबहालय् जूगु ज्याइवल्य् यैं महानगरया उपप्रमुख डंगोलं क्वाःपाः द्यःछैंया उलेज्या यानादिल ।

ज्याइवल्य् क्वाःपाःद्यःछैं जीर्णोद्धारया इवल्य् शीथी कथं ग्वहालि यानादीपिन्त दोसल्लां न्यय्का हंगु खः । हनेज्याया इवल्य् समितिया नायः सुनिलरत्न ताम्राकारं दोसल्लां न्यय्कादीगु खःसा समितिया छ्याज्जे सूर्यरत्न ताम्राकारं दसिपौ लःल्हानादीगु खः । अथेहे २७ वडाया नायः योगेशकुमार खडगीं

मतिनाया चिं लःल्हानादीगु खः । उगु क्वाःपा द्यःछैंया गज्जू पूजा नं उगु हे दिनय् सुथय् मजिपातया स्वयम्भू रत्न बज्राचार्य यानाबिज्याःगु खःसा तम्बःबहाःया थाकुली ईश्वरमान ताम्राकार जजमान जुयाः पूजा यानादीगु खः ।

ज्याइवल्य् समितिया सल्लाहकार अमृतमान ताम्राकारं महाबू तम्बःबहाःया इतिहासया खँ कनादीगु खः । ज्याइवल्य् उपप्रमुख सुनिता डंगोल, पूर्व महानगर प्रमुख विद्यासुन्दर शाक्य, २७ वडा नायः योगेशकुमार खडगी, समितिया सभापति सुनिलरत्न ताम्राकारपिसं नं थःथःगु नुगःखँ तयादीगु खः ।

दुनुगलंनिसैं कृतज्ञता प्वंकाचवना

हलिं नेवाः दबू नेपाः देय् मू कवःया ग्वसालय् खुक्वःगु हलिं नेवाः दिंया लसताय् बसन्तपुर दबुलिङ्ग जूगु ऐतिहासिक ज्याइवः ताःलाकेत मूपाहाँकथं भायादीम्ह सम्माननीय प्रधानमन्त्री पुष्पकमल दाहाल 'प्रचण्ड', विशिष्ट पाहाँकथं भायादीम्ह माननीय उपप्रधानलिसैं भौतिक तथा यातायात व्यवस्था मन्त्री नारायणकाजी श्रेष्ठ 'प्रकाश', विशेष पाहाँ पूर्वउपप्रधानमन्त्रीलिसैं नेपाली कांग्रेसया नेता प्रकाशमान सिंह, पूर्वमन्त्रीलिसैं नेपाल ओलम्पिक कमिटीया नायः जीवनराम श्रेष्ठ, नेपाः राष्ट्रिय पार्टीया नायः डा. विजयप्रकाश सैजु, नेवाः देय् दबूया नायः पवित्र बज्राचार्य, संघीय प्रतिनिधिसभा व प्रदेशसभाया माननीय सांसदजुपिं, हलिं नेवाः दबूया केन्द्रीय सल्लाहकारपिं, एम्बेसडरपिं, संचारकःमिपिं, हलिं नेवाः दिंया लसताय् जूगु थीथी ज्याइवःया कजिपिं, मू समारोहया कजि व ल्यूकजिलिसैं समारोह तःजिक न्ह्याकेत थःथःगु थासं प्रत्यक्ष-अप्रत्यक्ष ग्वहालि यानादीपिं सकसितं दुनुगलंनिसैं कृतज्ञता प्वंकाचवना । लिसैं दबूया ग्वसालय् लिपा लिपा जुइगु ज्याइवल्य् नं नुगःस्वां ह्वयेकाः ग्वहालि यानादी धइगु भलसा कयाचवना ।

सुरेन्द्र भक्त श्रेष्ठ, नायः



हलिं नवाइ दबू, नयाइ दबू मूकवइ
World Newah Organization, Nepal Chapter

सकल जः

- विज्ञापन उत्पादन, वितरण, प्रकाशन तथा प्रसारण आचारसंहिता, २०७९ को पालना गरौं ।
- विज्ञापन व्यवसायलाई स्वच्छ र पारदर्शी बनाऔं ।



नेपाल सरकार

विज्ञापन बोर्ड

२४ घण्टा निःशुल्क चिकित्सालय (अस्पताल)

“सरीय सतत स्वास्थ्य सेवा सकसिया निति, असहायता निति जक निःशुल्क”

उपलब्ध सेवा

२४सै घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसन्
- अन्तरंग सेवा

शल्यक्रिया

- मोनिभिन्
- जलन चबरी
- नाक कान घाँटी सम्बन्ध
- हाडजोनी तथा नाग सम्बन्ध
- स्त्रिया विरुद्ध फिजिकल कौन्सिलर सम्बन्ध

बहिरंग सेवा

- मुटु रोग
- फेफ रोग
- पुरोलीजी
- हृदय रोग
- बाल रोग
- क्यान्सर रोग
- बन्त रोग
- आँखा रोग
- जलरोग मेडिसिन
- चर्म तथा यौन रोग
- नाक कान घाँटी रोग
- जलरोग इन्धन चेक अप
- नाइरोइड
- मधुमेह

मेमेन्टु सेवा

- थुस्ति
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, क्वर, इन्टर र इको
- पुरोलेनी सरको दन्त प्रयोगशाला
- टि.एच.टि. इन्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोनः ४२९६९३८, ४२५७९९९, ४२६६२२९,